

靈寶頌教濟度金書卷之二百二 平五

洞微高士關光教普真人密金真授

靈寶通玄教水南先生林靈真編

科儀立成品保命齋用

午朝行道儀

燒香頌

各禮師存念如法

衛靈

丹靈采火 炎霞激風 赤輪剛迺 天光八衝

逆威包羅 交變萬方 流金豁落 羣魔滅蹤

辟姦破妖 明耀元功 金符召制 躡雲乘龍

謠歌慶會 散花太空 神化明運 四極安隆

伏御帝前 罔有不恭 和與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉為入

憲以今午朝陞壇行道願得

玉清道炁靈寶妙炁下降流入臣等身中即

使玄壇清淨內外成真天无氛穢地絕祲塵

琳琅振響十方肅清萬魔不干真誠上徹令

臣所啓之誠速達徑御

太上无極大道至真玉皇上帝御前

請稱法位

具位臣某與臨壇官眾等謹同誠上啓

太上无極大道虚无自然元始天尊太上道

君太上老君昊天玉皇上帝勾陳天皇大帝

紫微太皇大帝后土皇地祇九天採訪真君

三洞四輔經籙高真三元三官大帝北極四

聖真君啓教宗師侍宸仙眾天符帝帥歲分

王神五瘟氣候行化威靈天瘟地瘟神君山

瘟家瘟神君并瘟靈瘟神君陽瘟陰瘟神君

五瘟部從隊伍神眾天曹主執五瘟神眾獄

府主執五瘟神眾當境主執五瘟神眾今年

其季準天教令行災主病一切神明本府本

縣城隍主者遠近廟貌權衡禍福聖眾虛空

鑒察者望隨喜聖眾臣聞元始開圖扇玄風

於龍漢虛皇撫運舒化日於延康羅翠蓋五

億之區莫黃輿三千之域包羅萬象囊括奉

生道尊三洞之玄教演一乘之妙法霄御炁

朝神景於天門開幽登真起鬼靈於地戶召

蕃釐而開壽域束羣杖而履春臺家國權衡

古今主宰臣等膺圖宿慶參籙昌緣塵土卑

棲尚悠悠於步武林泉高蹈徒切切於襟期

荷天度之春容感帝恩之日皎未敢糾過猶

誓立功庶宣暢於皇靈庸緝熙於帝載凡有

投告盡為闡聞具載心詞謹當敷露

宣詞

按如詞言情際修奉齋主某賦形下土稟炁

上玄教願期歲序之和視履觀風宵之適偶

乘起處遂爽節宣縱耳目鼻舌意身洞精神

於彫瘳致風火寒暑燥濕侵經絡以乘紛百

體支離九關鈍塞莫策勲於藥喜惟抱悶於

杞憂明發再思拊膺三嘆慮陰淫陽診四時

之令流行或地孽天災五行之氣布而因循

扇毒蔓延興殃非齋心以扣關曷副忱而奠

寢庸微一元之惠澤恪遵三洞之威章恭按

金科肆頒玉篆霓旌羽葆降三天浩劫之尊
 綠華丹與來十極虛元之聖奏鏗鏘於月聲
 揚絲紳於雲鋪闌煙飛百和之芳芝務學千
 枝之麗風緇効信龍塵投誠對咫尺之天顏
 露萬千之民欲威儀備舉相福沿通以今午
 朝行道請法衆等運茲初捨上香
 願此香煙騰空徑上供養
 无上至真道寶天尊臣等皈身皈神皈命首
 體投地仰依
 太上三尊十方衆聖願以是功德上祝
 皇帝陛下伏願體道朝元憲天御極注滄溟
 於碧漢益衍福源聳泰華於青霄永齊壽祉
 河洛顯龜龍之瑞車書來麟鳳之祥內掖外
 庭同心佐政近藩速屏協力宣符今故燒香
 自皈依
 師尊大聖衆至真之德得道之後祈天長存
 和與道合真
 以今午朝陞壇行道請法衆等運茲二捨上
 香
 願此香煙騰空徑上供養

无上至真經寶天尊臣等皈身皈神皈命首
 體投地仰依
 太上三尊十方衆聖願以是功德皈流齋主
 并伏願化雨霑濡玄雲流演分三光五嶽之
 氣上襲天時曆二儀四象之和下襍地福藹
 懽聲於春序流樂事於雲仍桑梓連榮五姓
 浹光風之耀蓬茅有慶百年膺霽月之和今
 故燒香自皈依
 師尊大聖衆至真之德得道之後永保長生
 和與道合真
 以今午朝陞壇行道請法衆等運茲三捨上
 香
 願此香煙騰空徑上供養
 无上至真師寶天尊臣等皈身皈神皈命首
 體投地仰依
 太上三尊十方衆聖願以是功德皈流臣等
 三師四友五族六親伏願瓊醴酣和玄漿駐
 景身沐真常之教兩外固百神心陶道德之
 惠風內澄萬絜頓悟無為之微妙未超有漏
 之塵埃泉石流形築金花而三宮月瑩瓊龍

混跡堅玉樹而五體春融今故燒香自皈依
 師尊大聖衆至真之德得道之後升入无形
 和與道合真
 禮方 儀方
 命魔 步虛
 控轡適十方 旋憩玄景阿 仰觀劫石臺
 俯眇紫雲羅 逍遙太上京 相與坐蓮花
 積學爲真人 恬然榮衛和 未享無窮壽
 萬春莫足多
 又
 大道師玄寂 升仙友元英 公子度靈符
 太一捧洞章 舍利耀金姿 龍駕歛來迎
 天尊貯雲輿 飄飄乘虛翔 香華若飛雪
 紛蕩茂玄梁 頭腦禮金闕 攜手朝上京
 又
 賽樹玄景園 煥爛七寶林 天獸三百名
 獅子巨萬尋 飛龍踞鳴 神風應節吟
 靈風扇奇花 清香散人襟 自無高世才
 焉能耽此心
 三啓

樂法以為妻 愛經如珠玉 持戒制六情
念道遺所欲 澹泊正系停 蕭然神絲然
天魔並敬護 世世享大福

又 鬱鬱家國盛 濟濟經道興 天人同其願

縹緲入大乘 因心立福田 靡靡法輪升
七祖生天堂 我身白日騰

又

大道洞玄虛 有念無不契 煉質入仙真
速成金剛體 超度三界難 地獄五苦解
悉歸太上經 靜念稽首禮

三禮

臣等志心稽首禮
太上无極大道

臣等志心稽首禮
三十六部尊經

臣等志心稽首禮
玄中大法師

重稱法位
具位臣某謹重誠上啓

三清上聖十極高真九天採訪真君三界內外應感真靈天符帝帥歲分玉神五瘟氣候一切威靈咸望洪慈俯垂洞鑒臣聞大極函三流形運陰陽之表先天得一稟生受天地之中秉精粹以凝和敷英華而毓妙脉分表裏配六運之往來體備圓方象二儀之高厚五炁周流於五藏三元混合於三田靈臺湛然霞藥羅敷於聖景玄關爛若雲花鬱勃於神光何秋孽之敢干豈乘戾之易崇奈耽愛境遂履畏塗神凋六鑿之搶攘悉散七情之流浪毒風水还乘宮府之空虛疫霧林迷賊筋骸之枯槁誰識迴光而返照孰能省過以思愆匪賴帝恩焉全民性今齋主某事嚴圭草茂扣宸楓慮從無始以來逮至有生之後天和塵漲人欲波流逐逐昏衢縱牛奔而弗收悠悠業徑任猿躍以誰羈犯地理而違天文觸神靈而干人紀節會之首禳之懇切元臘无懺謝之勤奉致招庭尸之災符遂惹山川之癘忝仰希鶴戒申錫龜齡融喜忝於百闕聚祥光於五體怒消已往回庶昏之零丁

病散方今擁蕃釐之旁午宗祊有慶里閭無憂益恢清靜之風共仰慈悲之化上願德音輝潤甘露澄和覆載清寧山川晏穆茂桑麻於萬里同夷夏於一家化被禽魚遠天淵之樂性澤孚草木全林藪之生根神識殫宣德之勲鬼魅滅呈茲之跡則上明天尊布大慈之化下副小臣伸皈命之誠謹啓以聞

發願

一願大道澹泊虛无安閑空寂澄清自居廣開法門教導頑夫皆蒙惠澤精苦自修預以同學普得升虛與天相保長存無憂
二願諸天結炁澄清高虛廣覆保真固靈氣俄調節四運和平國安民豐普天開寧廣濟一切惠達有生保天長存億劫不傾
三願土地厚載無窮安早不陷海淪不崩保鎮家國兆民具從養生安死惠周十方天祿滋植營運日豐咸得厚載萬類皆從
四願日月二景高明無有孛蝕虧乃安清光照諸天洞消暗冥保固劫運世祚和平普

加潤澤惠懷衆生

五願星辰與日齊光轉燭照耀朗映十方各

安其位經緯自行保鎮家國無有災傷四

海寧一普天興昌

六願四時隨節推遷景氣和調無有災患疫

毒消滅普天安平五穀豐熟國富民歡

七願浮雲結沓聚煙飛空高澄蔭覆玄玄隱

則無為散則彌天神仙同居結友衆真惠

流一切與國愛民普濟群生人同劫年

八願風雨流灑無窮善加施泄受其發揚萬

物滋生國儲民豐

九願五嶽各安其方巍巍包藏長為仙宮安

鎮國祚保天无終護度一切莫不仰宗

十願江海蕩蕩无極舍容恢廓无細不植淵

奧柔惠潤加蠕息天人獲慶年同劫石

十一願帝王國主日昌四鎮安睦兵革不揚

天人歌唱吉應來翔敷教濟濟威化揚揚

兆庶稱慶長樂未央

十二願蜩飛螽動已生未生成蒙安全普得

生成皆見元氣受陽之形草木果林經冬

不零一切濟度靡不鮮榮和與道合真

存神燒香

香官使者左右龍虎君侍香諸靈官當今臣

午朝行道之所自然生金液丹碧芝英百靈

衆真交會在此香火爐前今臣等學道得道

求仙得仙齊主受福幽顯霑恩十方仙童玉

女接待蘭煙傳臣向來所啓之誠速達徑御

太上无極大道至真玉皇上帝御前

出堂頌

引至幕

謝師

靈寶領教濟度金書卷之二百二

靈寶領教濟度金書卷之二百三

洞微高士開光救苦真人審金具校

靈寶通玄弘救水南先生林重真編

科儀立成品保命齋用

晚朝行道儀

燒香頌

各禮師存念如法

衛靈

五星高耀 瑞炁飛浮 元始集神 天地交周

玉符寶節 彌命微幽 擲火揚威 仗凶無留

萬魔揆伏 紛葩却消 摧怪伐惡 道炁周流

神光照夜 陰翳俱收 萬仙降格 扇景乘颿

群生咸遂 惠遍神州 和與道合真

鳴法鼓二十四通

發爐

无上三天玄元始三炁太上道君召出臣等

身中三五功曹左右官使者侍香金童傳言

散花玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉為入